


An abstract painting on the left side of the page, featuring a crowd of people in the lower half and a large, textured, reddish-brown shape above them. The style is expressive with visible brushstrokes.

Hareidsstemna

15. - 23. oktober 2011



50-ÅRS JUBILEUM



Sissel Kyrkjebø

Hareidhallen
Fredag 21. oktober,
kl. 20.00



Kjell Nupen

Utstilling i Rådhusalen
Søndag 16. oktober,
kl. 16.00



Gunnar Stålslett

Stemnefesten
Laurdag 22. oktober,
kl. 19.00.



Helsing frå ordføraren

Som ordførar er det ei stor glede å kunne vere med på dette 50-års jubileet. Hareidsstemna har betydd mykje for kulturlivet i Hareid i alle desse åra, og er ein viktig stad å få framføre det som ein har øvd på gjennom året. Hareidsstemna fremjar samhaldet i kommunen, og det har og stor betydning for alle dei som tek turen heim denne haustveka. Likeeins er folk i regionen engasjerte, og utgjer eit viktig publikum.

Den enorme frivilljuge innsatsen som vert lagd ned kvart år, står det stor respekt av. Som ordførar vil eg nytte høvet til å takke alle som står på for dette arrangementet.

Som ordførar vil eg ynskje alle velkomne til Hareid, og ser sjølv fram til å delta på mange av arrangementa gjennom det 9 dagar lange programmet.

Anders Riise, ordførar

Stemnetalaren

Hareidsstemna har fått ein av Norges mest profilerte personar som talar på jubileumsfesten 22. oktober. Gunnar Stålsett er kjend som tidlegare stortingspolitikar og leiar i Senterpartiet, og seinare som biskop i Oslo bispedøme frå 1998 til 2005. Han har og vore nestleiar i Den Norske Nobelkomiteen, gjeve ut fleire bøker og motteke ei rad prisar som t.d. Petter Dass-prisen, Zola-prisen og St. Halvardsprisen. Som biskop var han frittalande og skapte utfordringar for samhaldet i den norske kyrkja, likevel vart han ein svært folkekjær biskop. Heile Norge hugsar biskopen som vigsla kronprins Haakon og Mette Marit Tjessem Høiby i 2001, og like eins i år, då han forretta ved Wenche Foss si gravferd i Oslo domkirke.

Stemnefesten, laurdag 22. okt. kl. 19.00.

Bill på www.hareidsstemna.no og ved inngangen



Sissel Kyrkjebø

Det blir storkonsert når Sissel Kyrkjebø og hennar band kjem til Hareidsstemna sitt 50-års jubileum. Sissel blir hovudattraksjonen i jubileumsfeiringa, og billettsalet tilseier at det blir smekkkfull hall denne fredagskvelden. Siste åra har kjende artistar gjeста stemna som perler på ei snor. No i jubileumsåret toppar vi programmet med sjølvaste "dronninga" i norsk musikkliv, når den mest kjende norske artisten både i inn- og utland entrar podiet i Hareidhallen.

Hareidhallen, fredag 21. okt. kl. 20.00.

Bill. på www.hareidsstemna.no, Eiken Libris og Servicetorget i Rådhuset.



Strings Unlimited

Denne profesjonelle strykekvartetten har gjeста Hareid før. Gruppa har deltatt ved utallige store og små arrangement i inn og utland. I år blir dei med i festprogrammet laurdag, og blir nærast å rekne som eit husorkester denne kvelden. Det er ikkje grenser for kva desse jentene kan spele, frå vakre klassiske perler til kjende pop- og rockelåtar. Det er berre å la seg rive med av virtuositeten deira.

Stemnefesten, laurdag 22. okt. kl. 19.00.

Bill på www.hareidsstemna.no og ved inngangen

Stemneutstillaren

Kjell Nupen (f. 1955 i Kristiansand) er årets stemneutstillar i jubileumsåret, i regi av Hareid Kunstlag. Han er ein av våre mest kjende kunstnarar, også internasjonalt. Nupen er utdanna ved Statens kunstakademi og Kunstakademiet i Düsseldorf. Kunstnaren er kjent for sin spesielle blåfarge, kalla "Nupen-blått". Litografiane hans er gjennomgåande enkle i forma, men intense i uttrykket.

Opning av utstillinga i Rådhusalen,

søndag 16. okt. kl.16.00



Stemnekomponisten

Odd-Arve Hjørungdal er oppvaksen i Hjørungavåg. Han flytta i 1988 til Oslo. Der tok han utdanning ved universitetet på institutt for musikkvitenskap og seinare ved Berklee College of Music, Boston, Massachusetts, USA. Han har seinare undervist i satslære og piano ved Univ. i Oslo, institutt for musikkvitenskap i til saman 10 år. Han jobbar no freelance både som utøvande dirigent, komponist og arrangør, i tillegg til å vere rektor og å undervise ved Norsk Musikkskole i Oslo.

Odd-Arve fekk hausten 2010 i oppdrag å komponere eit jubileumsverk for kor, orkester og solistar til Hareidsstemna sitt 50-års jubileum. Dette verket dirigerer han sjølv i konserten som Hjørungavåg Brass skal ha første søndagen i stemneveka.

Gla'konserten i Hareidhallen, søndag 16. okt. kl. 19.00.

Bill. ved inngangen



Ytre Suløen

På stemnefesten dukkar også Ytre Suløens Jass-ensemble opp i år. Glajazz-orkesteret frå Langevåg har turnert på kryss og tvers i Norge og elles på alle kontinent, bortsett frå Australia. For nokre år sidan kom Suløen i kontakt med jazzsongaren Tricia "Sista Teedy" Bouttè på eitt av dei mange oppdrag bandet har hatt i New Orleans. Det enda med at Bouttè flytta til Norge. Ho bur no i Langevåg, og er fast medlem i bandet. Suløen skaper alltid glad-stemming rundt seg, og kjem til å sette preg på festen i år.

Stemnefesten, laurdag 22. okt. kl. 19.00.

Bill. på www.hareidsstemna.no eller ved inngangen



"Kaarstadbygget" og Gollj & Gråstein

Denne konserten blir det første på plakaten under Hareidsstemna i år. Vokalgruppa "Kaarstadbygget" er tilbake på Hareidsstemna for å halde konsert ilag med Gollj & Gråstein. Då "Kaarstadbygget" var her sist i 2005, karakteriserte Vikebladet/Vestposten konserten som "ein innertiar". Laurdag 15.oktober er dei tilbake, og med seg har dei ein rykande fersk CD som skal sleppast den helga. Publikum kan difor gle seg til nytt stoff i tillegg til songar frå dei to første CD-ane. Gollj og Gråstein har denne hausten øvd inn programmet "Gollj på norsk", og har eit reint norsk repertoar som spenner frå CC Cowboys til Johan H.Grimstad. Det heile er krydra med fleire kjende norske songar i nye arrangement. Fleire av songane er arrangerte av songarar i "Kaarstadbygget".

Vokalkonsert i Hareidhallen, laurdag 15. okt kl. 19.00. Bill. på www.hareidsstemna.no eller ved inngangen.



Arill Riise - humorist

Arill er oppvaksen på Sæbø, og er kjend og kjær journalist og programleiar, for tida som nyheitsanker i TV2-nyheitene. Han er og humorist, og har skrivne fleire bøker med morosame skildringar av sunnmøringen. Arill er kjend for sin lune og treffande humor. På jubileumsfesten vil han syte for lått og løye om såvel ulsteinvikarar og Herøy-millionærar, som grimstingar og brandølingar. Ta med lommetørkle for sikkerheits skuld!

Stemnefesten, laurdag 22. okt. kl. 19.00. Bill. på www.hareidsstemna.no eller ved inngangen

Magne Fremmerlid

skal vere solist på konserten søndag 16. oktober, der jubileumsverket av Odd-Arve Hjørungdal skal urframførast. Magne er gift med sopranen Charlotte Fongen, som og er med på denne konserten. Magne er sunnmøring og oppvaksen på Skodje, og blir rekna som den fremste bassolisten i Noreg i dag.

Charlotte Fongen

har dei siste åra gjeста Den norske Opera ved fleire oppsettingar, og vore engasjert av Den Jyske Opera i Danmark. Ho er og romansesongar, og elles flittig brukt i framføringar av kyrkjemusikalske verk. På konserten har ho fleire solonummer, men og duettar ilag med Magne.

Gla'konsert, søndag 16. okt. kl. 19.00. Bill. ved inngangen



Ishavskveld

"I Nansens fotspor" er tema for Ishavskvelden i år, og Vegard Brandal er foredragshaldar. Vegard kjem frå Hareidlandet, og kallar ishavsskipperen Ottar Brandal for sin bestefar. Han har utdanning frå Norges Idrettshøgskole, der han mellom anna studerte friluftsliv. Han har leia turar i Russland og Kirgisistan og no sist på Grønland. Han førebur seg i desse dagar på Grønlands-eventyr i 2012. Foredraget handlar om kryssinga av Grønlandsisen frå vest til aust etter ei rute om lag der Nansen gjekk i 1888. Foredraget har han lagt opp med både bilete og film. Elles er Ishavsmuseet 30 år i år, og dette skal markerast denne kvelden. Resten er programinnslag i kjend stil, der detaljane ikkje er kjende i skrivande stund.

Ishavsmuseet, onsdag 19. okt. kl. 19.00. Bill. ved inngangen



Hugo skal opne kunstutstillinga!

Hugo Opdal skal opne Kjell Nupen si kunstutstilling i Rådhusalen. Han er fotograf med fartstid som reklamefotograf. Sidan 1999 har han budd på Flø med kone og to born. I 2007 opna han galleriet Studio Hugo Opdal på Flø. I 2009 starta han Moods of Norway-butikk under galleriet på Flø. 1 september i år opna han, saman med Magne Furuholmen og Paul Stolper, galleriet Stolper+friends på Tjuvholmen i Oslo.

Rådhusalen, søndag 16. okt. kl 16.00



Ballegove

Ikkje berre den herlege potetballen men fotball – og andre ballar for den del... For temaet som Hareid Mållag byr på under ballegova i år, vert lokale fotballhistorier og andre historier frå idrettsmiljøet. Og det blir sikkert lov å le, for dei som skal delta i programmet, tek verken seg sjølve eller ballen heilt alvorleg! Velkomen til det tradisjonsrike og humørfylte mållagsmøtet som aldri slår feil.

Humorsamling på Holesanden, tysdag 18. okt. kl. 19.00. Bill. førehandssal på Strax bokhandel

Velkommen til Hareidssstemna 50 år



Laurdag 15. okt.

kl.12.00 Blomar og song ved bysta av
Johan H. Grimstad
Loket

kl.14.00 Open bedrift,
Hareid Group Hareidsmyrane

kl.19.00 Konsert, Gollj & Gråstein
og Kaarstadbygget
Hareidhallen

Søndag 16. okt

kl.16.00 Opning av kunstutstillinga og
Hareidssstemna
(utstillinga open til 19.00)
Rådhuset

kl.19.00 Gla'konsert,
Hjørungavåg Brass med
framføring av Jubileumsverket
Hareidhallen

Torsdag 20. okt.

Kl.18.00 Kunstutstilling,
Kjell Nupen (til 20.00)
Rådhusalen

kl.20.30 Konsert,
SANS og samling
Hareid hotell

Fredag 21. okt.

kl.16.30 Konsert,
Grimstadgutane
Hadartun

Kl.18.00 Kunstutstilling,
Kjell Nupen (til 20.00)
Rådhusalen

kl. 20.00 Konsert,
Sissel Kyrkjebø
Hareidhallen

kl.22.00 Jam-stemming
Hareid hotell



Mandag 17. okt.

Laurdag 22. okt.

Kl. 11.00	Bokstemning Hareid Hotell
kl.16.30	Programtime, Grimstadkoret Hadartun
Kl.18.00	Kunstutstilling, Kjell Nupen (til 20.00) Rådhusalen
Tysdag 18. okt.	
Kl. 20.30	Quiz-stemning Hareid Hotell
kl.18.00	Familiekonsert, Musikklaget Melshorn Hareidhallen
kl.18.00	Kunstutstilling, Kjell Nupen (til 20.00) Rådhusalen
Kl.19.00	Ballegove Holesanden
Onsdag 19. okt.	
Kl. 11.00	Strikkestemning Hareid Hotell
kl.18.00	Kunstutstilling, Kjell Nupen (til 20.00) Rådhusalen
kl.19.00	Konsert, Musikk-og Kulturskulen og Hjørungavåg skule Hareidhallen
Kl.19.00	Ishavskveld Ishavsmuseet

kl. 13.00	Kafe-stemning (kl. 13.00 – 18.00) Hareid Hotell
kl.14.00	Snipsøyrvatnet rundt
kl.14.00	Open dag og program i Bygdetunet Rasofielgarden
Kl.16.00	Kunstutstilling, Kjell Nupen (til 18.00) Rådhusalen
kl.19.00	Stemnefest Hareidhallen
Søndag 23. okt.	
kl.11.00	Høgmesse med 50-års-konfirmantar og årets konfirmantar Kyrkja
Kl.16.00	Kunstutstilling, Kjell Nupen (til 18.00) Rådhusalen
kl.16.00	HELG, teaterframsyning ved Teatret Vårt
kl. 18.00	På dekket av Ishavsskuta Aarvak Ungdomskonsert, Melodi Hareid Hareidhallen

Billetter på www.hareidsstemna.no



Grimstadkoret

framfører også dette året eit program på Hadartun som lekk i Hareidsstemna. Her blir det malmfull mannskorssong, diktlesing og allsong. Kulturprogrammet vil og by på allsong med kjende "Hareidsstemne-songar" som vi alle kjenner både tekst og tone på. Samkoma er meint for både pensjonærar, pårørende og andre interesserte. Vel møtt!

Mannskor, lyrikk og allsong på Hadartun, måndag 17. okt. kl. 16.30



"Snikk-snakk"

Haakon Esplo er her igjen med nytt moro-show for heile familien saman med Musikklaget Melshorn. Både kjende og nye figurar vil dukke opp i denne framsyninga som har fått namnet: "Snikk-snakk-super-nydelig-innmari-kul-konsert-som-nesten-alltid-klinger-konge"! Esplo har lenge turnert i Norge med familie-show, er aktiv som komponist og har vore med i fleire TV-show. Framsyninga "Snikk-snakk" er hovudsakleg retta mot born, men har fått strålende kritikk fordi showet også er svært underholdende for vaksne.

Hareidhallen ,tysdag 18. okt. kl. 18.00. Bill på www.hareidsstemna.no og ved inngangen.

Programleiaren

Anne Holstad er ansiktet utad for festprogrammet på laurdagskvelden. Dei siste tre åra har ho losa dette i hamn på ein meisterleg måte. I år er ho på plass igjen, og publikum kan berre lene seg tilbake og slappe av, for festprogrammet er i dei aller beste hender.

Stemnefesten, laurdag 22. okt. kl. 19.00. Bill. på www.hareidsstemna.no eller ved inngangen



Musikk- og Kulturskulen

LUA AV - eit musikkspel over Margrethe Munthe sine tekstar, med Hareid Musikk- og Kulturskule ilag med Hjørungavåg skule. Solistar, grupper, klasser og lærarorkester med song, musikk, dans, skodespel. Ei A til Å framsyning med mykje moro og mykje vakkert.

Hareidhallen, onsdag 19. okt. kl.19.00. Bill. ved inngangen, born gratis



Arnfinn Haram

budde delvis på Hareid i ungdomen. Han hadde mange vener i ungdomsmiljøet her, og song både i Hareid ungdomskor (no Hareid kammerkor) og i Vox Virorum. Arnfinn er dominikanarbror og samfunnsdebattant. Han var tidlegare prest i Den norske kyrkja, men konverterte til katolisismen i 1998. Han vart vigd som katolsk prest i 2003. Arnfinn er ein uvanleg allsidig og gåverik person. Han er skribent, songar, foredragshaldar og ikkje minst framifrå diktlesar. Og det er nettopp lyrikk han skal bidra med på stemnefesten.

Stemnefesten, laurdag 22. okt. kl. 19.00. Bill på www.hareidsstemna.no eller ved inngangen



HELG

Teaterframsyning med ishavsskuta Aarvak som kulisse. Teatret Vårt inviterer til teaterframsyninga HELG på skutedekket. Konsertar har der vore fleire gongar tidlegare, men aldri ei teateroppsetting, og kulissene kunne ikkje ha vore betre for akkurat dette stykket. Etter framsyninga serverer Ishavsmuseet middag i museet, og på menyen står ulike silderrettar og selkjøtgrøte. Her er det førehandssal av billetter.

Ishavsmuseet, søndag 23. okt. kl 16.00 Bill. www.sjoborg.no og ved inngang



Grimstadgutane

Minikonsert på Hadartun, og deltaking under open dag i Rasofielgarden, er oppdraget desse fem gutane har sagt ja til. På stemnefesten i fjor var guppa ei stor overrasking og tok publikum med storm. I etterkant vart dei omtala som sjarmørane som "stal showet" I tillegg til at dei er flinke å spele, er instrumenta dei spelar på laga av bestefaren, Erling H. Grimstad. Dersom du vil høyre, kan du oppleve dei på ei eller begge desse tilstellingane.

Hadartun, fredag 21. okt. kl. 16.30. og Vonheim, laurdag 22. okt. kl 14.00



Open dag

Den første laurdagen i Hareidsstemnafår alle som vil sjå innom mulegheit til å sjå innom Hareid Group sine lokale på industriområdet i Hareidsmyrane. Gruppa består av fleire dotterselskap, og har engasjement over heile verda. Her blir det stands, omvising og mat! Møt opp, sjå, høyr og smak!

Laurdag 15. okt. kl. 12.00 til 15.00



“SANS - og samling”

Om kjærleik og melankoli - og litt Frid & Glede. Smakebitar frå «Amerikansk kjærleik på ny norsk», kyrkjekabareten «Ei vandring i dine hagar» og Cohen-programmet «I filler av lys» og meir til. Originalmateriale og omsette songar av og ved Andreas Bjåstad, Ronald Øvreid og Odd Goksøyr presentert med god hjelp av Frid & Glede (Ingfrid Grimstad og Einfrid Grindheim) og Tormod Engen.

Hareid hotell, torsdag 20. okt. kl. 20.30. Bill. Førehanssal ved hotellet



Melodi Hareid

Grappa bak denne ungdomskonserteren i Hareidhallen, har med seg heile åtte artistar og band frå Søre Sunnmøre. Desse skal få opp trøkket og stemninga i Hareidhallen. Det vil bli musikk innan fleire sjangrar. På scena vil du mellom anna finne "Zvor & kontrollert kaos" frå Hareid, "Christoffer Masters" frå Ulsteinvik, "Bettina Marielle Madsen" frå Herøy og "Exposed to failure" frå Sande. Ungdom frå 8.klasse og oppover er velkomne. Vi vil gjerne sjå ungdomar frå nabokommunene våre, og trur at dei ulike artistane vil dra med seg fans frå heimplassen sin. Gjer deg klar for tiårets ungdomsfest på Ytre Søre Sunnmøre! Så mange lokale ungdomsband samla på ein plass har du aldri sett på Hareid.

Hareidhallen, søndag 23. okt. kl 18.00.
Bill. ved inngangen



Snipsøyrvatnet rundt

I år er det 32. gongen det tradisjonsrike landevegsløpet rundt det største vatnet i Hareid kommune vert arrangert. Løpet har dei siste åra vore halde laurdagen i Hareidsstemneveka, og er dermed lett å få med seg for tilreisande. Løypa er 12,5 km på asfalt. Start er mellom dei to tidlegare butikkane på Bigset, og målgangen på Bjåstad. Påmelding frå kl 12.00 på Hareid klubbhus. Der er det og premieutdeling etter løpet. Gamle og nye løparar er hjarteleg velkomne!

Laurdag 22. okt. kl. 14.00



Bygdetunet

Open dag under Hareidsstemna har vore ein tradisjon i fleire år. Også i år blir det interessante programinnslag. Kjartan Kaldhol, lektor ved Universitetet i Bergen, kåserer over temaet Tidt eg minnst. Strykekvintetten Grimstadgutane blir og med på programmet. Marianne Teigene tek imot oss og introduserer programkreftene. Og ikkje minst viktig er det at folk set av tid til drøs med kaffi og nysteikte vafler etterpå.

Bygdetunet, laurdag 22. okt. kl. 14.00



HAREID HOTEL

Stemning

Hareid hotell har ei viktig rolle i stemneveke. Hotellet er base for dei fleste tilreisande aktøtane våre, og dei vil syte for at gjestane har det godt på alle måtar så lenge dei er her. Det blir ein flott konsert på hotellet torsdagskvelden (sjå eigen omtale). I tillegg blir det kafe-stemning fleire av dagane og kveldane i stemneveka. Her kan folk stikke innom og slå av ein prat over ein kopp kaffi. Kvar dag er eit tema knytta til kafe-tilbodet. Sjå berre her: Bok-stemning, Quiz-stemning, Strikke-stemning og Jam-stemning. Ta deg ein tur innom, og få gjerne med deg fleire. Dette er eit nytt og prisverdig tilbod, meint til å skape stemning og ta i vare det sosiale miljøet i stemneveka. Sjå opningstider i Hareidsstemn- programmet



Lisa sitt kunstverk

Dei siste ti åra har det vore tradisjon at hovudaktørane under Hareidsstemna får med seg eit kunstverk laga av ein ung, lokal kunstnar. I jubileumsåret får dei Lisa Liavåg sitt verk. Ho bur i Hjørungavåg og er utdanna innan visuell kommunikasjon, grafisk design og teikning. Dei siste åra har ho hatt fleire utstillingar, både kollektive og separate. Ho har som visjon å gjere kunst meir tilgjengeleg for folk flest. Ein kan sjå at kunstverket har i seg element av båt, sjøbuder, nasjonalmonument og songkor.



Jubileumprega gla'konsert

Hjørungavåg Brass inviterer enno ein gong til gla'konsert under Hareidsstemna. Her blir det full fest-stemning saman med solistar, kor og orkester. Høgdepunktet blir nok jubileumsverket til 50-årsfeiringa, der komponist Odd-Arve Hjørungdal sjølv dirigerer. Operasolistane Charlotte Fongen og Magne Fremmerlid deltek i store delar av konserten. Repertoaret deira spenner frå lette og muntre, til kjende og kjære klassiske perler. I tillegg er også dans og film med i opplegget. Med på jubileumsverket er eit kor samansett av Brandalskoret og Hareid kammerkor. Eit anna høgdepunkt blir Grieg og Bjørnson sitt mektige verk "Landkjenning". Her får vi høyre eit samansett mannskor med Magne Fremmerlid som solist.

Hareidhallen, søndag 16. okt. kl.19.00.
Bill. hos Eiken Libris, Strax Bok & Rekvisita, Statoil Hareid og ved inngangen



Blomar og song ved minnesmerket

Blomar og song ved bysta av Johan H. Grimstad er ein tradisjon vi gjerne fører vidare i jubileumsåret. Johan var bygdas multikunstnar, og dessutan ein hovudperson ved skipinga av Hareidsstemna. Han var og leiar i starten, og i ein heil mannsalder frametter. Det er difor på sin plass med ei slik minnemarkering ved innleiinga av jubileumsarrangementet.

"Loket", laurdag 15. okt. kl. 12.00

Hovudsponsor 2011:



SPAREBANKEN MØRE

Sponsorar:



HAREID KOMMUNE



Andre sponsorar:



TUSSA



Vi støttar Hareidsstemna:



EKORNES

HE
HAREID BYGGOMRUSTBYGGING AS



Aktiv Omsorg



Naustneset AS
støttar kulturen



Rise Bygg

Art Frisør

Regnskapsservice AS

Euronics

Ulstein Betong

Nord-Berg

Ahlsell

Libra

Total-Bygg Hjørungavåg AS

Tannlegane Hjellev
og Øyestad

Prix Hareid

Franzefoss Gjenvinning AS

Statoil

Røyset Sko

Top Fix

Bunnpris

Hasund Mek. Verksted

Hatløy's Målarforretning

Møbelringen

P.F. Waage

Svein Roppen AS

Vattøy Regnska

B.Bigset Transport AS

Norsk Stål AS

Conplan AS

Boindustri AS

Bourbon Offshore

